

S **LO**

Afl. 1.25

BRIYANDO FUERTE • TRECIENDO CLARIDAD
DIARAZON 20 NOVEMBER 2024

Di Pueblo

**SPECIALISTANAN EMPLEA PA HOH
A HACI 421 CONSULTA MAS CU NA
LUNA DI SEPTEMBER
HORACIO ODUBER HOSPITAL CU
CIFRA DI OKTOBER 2024**



WWW.SOLODIPUEBLO.COM



SOLODIPUEBLO@GMAIL.COM

PARTIDO MOVIMIENTO ELECTORAL DI PUEBLO DEN SU PROGRAMA DI CAMPAÑA TIN DIFERENTE SOLUCION PA E RETONAN DI PAIS ARUBA



**AWOR CU A CREA
ESPACIO FINANCIERO,
PARTIDO MEP TA BAY
ENFOCA RIBA
7 PUNTO DI PRIORIDAD**



FORUM SNBA Y DEBATE KVK A MANDA UN MENSAHE CLA PA ARUBA

**A DESVELA E
BILLBOARD DI
EVELYN WEVER
CROES Y ENDY
CROES NA
SANTA CRUZ**



**Upgrade
bo bida cu**



**scan pa bo
1.200 florin
Cash Gift!**



Parlamentario Hendrik Tevreden (MEP):

FORUM SNBA Y DEBATE KVK A MANDA UN MенсаHE CLA PA ARUBA



ORANJESTAD, 18 di november 2024: Lider di Fraccion di MEP, Hendrik Tevreden, a declara cu durante e Forum di San Nicolas Business Association (SNBA) y Debate di Camara di Comercio (KvK) recien a keda demonstra cu seriedad y capacidad den gobernacion ta un "BIG MUST" pa por enfrenta e retonan di Aruba den e proceso di recuperacion.

E debate a manda un mensahe cla y raspa riba varios aspecto crucial:

- Capacidad y seriedad den gobernacion no ta un opcion, ta un obligacion.
- Politica "nobo" no ta cla pa e retonan cu Aruba tin su dilanti.
- No tin espacio pa un gobierno aventurero.
- Aruba ta den un proceso di recuperacion cu sigur

mester uza sano huicio pa maneha finanzas publico.

Hendrik Tevreden ta remarca cu pa e cuater puntonan principal aki, y hopi mas ta importante lo siguiente:

1. Un liderazgo solido y serio ta necesario pa maneha e pais.
 2. Duna continuacion na e proceso di recuperacion financiero y otro aspectonan crucial pa nos pais.
 3. Laga hende capacita y serio sigui atende cu Hulanda riba tur loke ta concerni interesnan di Aruba.
 4. Aruba mester di un politica madura, leu di politica populista of aventurero y sin contenido.
- Tevreden ta enfatisa cu na e momento aki ta crucial den historia di Aruba realisa cu

solamente un partido tin y sin duda esey ta MEP bou di liderazgo di Evelyn Wever-Croes ken tin e vision, experiencia y capacidad pa guia y hiba nos pais pa dilanti.

"Tur otro mester refresh, reset y lanta nan nivel pa aki 4 aña purba di nobo, pero cu respet pa cada un, pero nan no a demostra di tin seriedad, capacidad, vision realistico ni experiencia

y preparacion", e parlamentario a expresa.

Aruba ta den un proceso avansa di recuperacion y no por permiti ni un "step back", ni chikito ni grandi. E risiconan y consecuencianan por ta devastador pa bienestar y futuro di nos pais. Compromisonan financiero, acuerdo y posibel solucionnan cu politiek Den Haag, y otro

cuestionnan vital ta pidi un liderazgo firme y sabi. Aruba no por permiti ningun "laps or relapse".

Hendrik Tevreden ta termina cu un apelacion na e pueblo Arubano pa duna confianza na un gobierno cu ta comproba cu ta optimo pa e retonan grandinan di futuro: un MEP fuerte y lista capacita pa enfrenta e desafio pa bienestar di un y tur.



STATEN VAN ARUBA

OPENBARE BIJEENKOMST OP 26 NOVEMBER 2024 OM
10:00 UUR V.M. IN DE VERGADERZAAL VAN DE STATEN VAN ARUBA

TE BEHANDELEN ONDERWERP

Agenda:

Toelichting door de Minister van Transport, Integriteit, Natuur en Ouderenzaken, dhr. U.M. Arends, inzake het nieuw beleid van openbaarvervoervergunningen en toename van het aantal taxistoelen.

De Griffier,

mr.drs. Herman Ch. J. Hek

**PUEBLO A HAÑA SU
PEN BEK**

Pa kualkier informacion
solodipueblo@gmail.com
of
585-9500

Prome Minister Evelyn Wever-Croes: PROME MINISTER A BISHITA ST. REGIS ARUBA RESORT CU LO HABRI SU PORTANAN NA JANUARI 2025

Un hotel di luho cu lo atrae turismo di calidad

ORANJESTAD – Dialuna 18 di november Prome Minister Evelyn Wever-Croes hunto cu colega Minister Dangui Oduber a bishita St. Regis Aruba Resort pa asina ricibi un update riba e proyecto. E construccion di e proyecto aki ta hopi adelanta y ta planea pa habri januari 2025.

St. Regis Aruba Resort ta un proyecto di 240 camber y ta un hotel

di luho, sofisticada y top of the line, ofreciendo acomodacion pa e turista cu ta dispuesto pa haci un inversion halto pa bishita Aruba. E hotel ta ofrece un panorama espectacular, cu un restaurant na e top unda e turista lo disfruta di e bunita bista di e beach y di e bahada di solo unico di Aruba.

Durante e bishita, Prome Minister a tuma tempo pa combersa cu

e empleadonan cu ya ta laborando na e hotel y a keda contento di mira cu mayoria di nan ta local y tambe varios tawata labora na otro luga pero a dicidi di bin traha na St. Regis mirando cu e hotel aki ta duna nan mas oportunidad pa crece den nan carera, haya mas experiencia y consecuentemente crece den salario tambe.

“Un hotel di e nivel aki ta



pone Aruba riba e mapa manera nos kier, e ta trece turismo diferente, turismo di calidad. Turistanan cu lo hospeda na St. Regis ta e turista cu ta dispuesto pa paga hopi placa pa bin Aruba y esey ta e direccion cu nos kier bay y haci nos turismo mas sostenibel. Tawata

bunita pa combersa cu e empleadonan y scucha nan impresion di e hotel y sinti na felicidad pa ta forma parti di e cadena di hotel aki. Pabien na e desaroyadonan di e bunita proyecto aki y nos ta looking forward pa e apertura na januari 2025”, Prome Minister a expresa.

23 NOVEMBER
PALOMARGA

YELLOW MELLOW Street Legal
UN AMIGO PA SEMPER TA PRESENTA

PREMIONAN

CATEGORIA NAN

4D SCOOTER/QUAD/JR DRAGSTER 750-250-35

4D AUTO 750-250-35

4D BIKE 750-250-35

4D KOTS AUTO (14.99 OR FASTER) 750-250-35

4D BONUS 750 + STICKER 250-10

4D BUY BACK 15

ENDY4
UN AMIGO PA SEMPER



Consejo Electoral Aruba



Carchinan di Voto ta na caminda!

Hoofdstembureau ta anuncia cu **Post Aruba** a ricibi e **carchinan di voto** di Registro Civil y Censo y nan ta **encarga** cu e reparticion di e carchinan di voto den e dianan venidero.

Ta pidi cada votado pa keda pendiente pa ricibi su carchi di voto na e **adres na cual nan ta registra na Censo** y warda esaki pa dia di eleccion, 6 di December 2024.

Bishita nos website er.aw y click "persberichten" pa lesa mas informacion over di carchinan di voto.



**SEA INFORMA,
SCOGY Y VOTA**

DMH APORTANDO CONCRETAMENTE Y STRUCTURALMENTE NA DIA INTERNACIONAL DI DERECHO DI MUCHA

Riba 20 di november, Dia Internacional di Derecho di Mucha, ta un momento pa recorda nos tocante nos responsabilidad global pa proteha y promove e bienestar general di cada mucha. Na Aruba, e compromiso aki ta refleha den e trabou di Departamento di Mucha y Hoben (DMH), cu ta un entidad gubernamental fundamental pa garantiza cu e derechonan di mucha ta respeta via e maneho-, ley-, y programanan innovativo. E departamento aki a logra avancenan significante pa proteha desaroyo y bienestar general di nos muchanan. Un ehempel

sobresaliente ta e programa structural di Intervencion Trempan pa e muchanan di 2-4 aña den un centro di cuidu di mucha registra na DMH. Na momento cu tin un preocupacion den desaroyo di un mucha, DMH ta haci evaluacion pa identifica posibel retraso. Mayor como e trahador pedagogico lo haya un plan individualisa y guia, brindando un ambiente di sosten p’e crecimiento di e mucha. Den caso cu tin mester di mas evaluacion specialisa, DMH ta referi e mucha na JZG pa yudansa specialisa. Intervencion Trempan ta alinea cu varios articulo clave di e Tratado

di Derecho di Mucha; Articulo 3- 6 – 18 – 24 – 28 y 29, promoviendo un desaroyo holistico y enfoca riba e mucha. Otro logro significante ta Codigo di Proteccion, un codigo cu tin como meta pa preveni y atende cu e señalanan di abuso of negligencia di mucha di 0-18 aña. E codigo aki ta empodera e profesionalnan di varios sector pa reconoce y tuma accion riba potencial riesgo, garantizando asina e seguridad di e muchanan vulnerabel. Esaki ta pone enfasis riba varios articulo di Tratado di Derecho di Mucha: Articulo 19 – 3 – 4 – 34.



Finalmente DMH ta encarga cu Ordenansa Nacional di Centro di Cuidu di Mucha, cu ta garantiza un ambiente di seguridad y calidad di cuidu di mucha. E maneho aki ta alinea cu e articulonnan di Tratado di Derecho di Mucha: Articulo 3 – 6 – 18 – 28 – y 31, cu ta pone enfasis riba e importancia di e espacionan di siguridad y proteccion pa mucha hunga, desaroyo, y siña. Aruba ta conmemora e dia importante aki, unda varios instancia ta celebra y duna atencion na Derecho di Mucha.

tambe pa accentua e tremendo trabou cu Departamento di Mucha y Hoben a bin ta haci, pa sigui aporta na garantiza cu tur mucha tin derecho na seguridad, proteccion, desaroyo y oportunidad optimal, reflehando cu Aruba ta comprometi cu e bienestar general holistico di su hendenan di mas chikito. Bo ta curioso pa sa mas di DMH? DMH recientemente a inaugura su localidad nobo na Seroe Blanco 17 y por bishita nos website: www.dmh.aw of por haya Departamento di Mucha y Hoben riba FB, Insta y Linked In.

Esaki ta un bon momento

HOSTED BY
BEATZ
ENTERTAINMENT

UN AMIGO PA SEMPER TA PRESENTA
YELLOW MELLOW
Street Legal

21
NOVEMBER

CAR & BIKE
SHOW 6 PM - 11 PM

UNICO DIA PA INSCRIBI DI 7 PM - 10 PM

PLACE
X WENG KEE RESTAURANT
NA PIEDRA PLAT

ENTRADA PRE-BENTA
MUCHA TE CU 12 AÑA 5 FLORIN
12 AÑA BAI Ariba 15 FLORIN

ENDY4
UN AMIGO PA SEMPER

MARAVILLAS DE LA FE

SALUD	SUERTE	AMOR
• BO TA SUFRI DI MALESA NAN CU BO NO POR CURA ?		
MANERA ARTROSIS, ALZAHEIMER, EMENCIA , DEPRESSION ,DIABETES, OSTROPOROSIS, PARKINSON, INSOMNIO,DOLOR DI BARIGA,WESO.ETC		
• BO TA BEBE REMEDIY BO NO TA CURA?		
• BO TA VICTIMA DI BRUHERIA?		
COMUNICA CU MARAVILLAS DE LA FE NA 7485671		
• BO NO TIN SUERTE?		
• BO SEN NO TA YEGA ?		
• BO TA BAI CASINO I PERDE TUR BO PLAKA?		
COMUNICA CU NOS NA 7485671		
• BO TIN PROBLEMA DI AMOR ?		
• BO PAREHA TA GANA BO ?		
FRACASO - SOLEDAT - ANGUSTIA		

7485671

A DESVELA E BILLBOARD DI EVELYN WEVER – CROES Y ENDY CROES NA SANTA CRUZ

SANTA CRUZ: Den fin di siman ultimo, den presencia di sostenedo y campañado Endy Croes hunto cu Team Endy SI! a desvela un borchí grandi na e residencia di Mama Sofia (den feliz memoria), situariba e caminda grandi den curason di Aruba. “Semper a lanta borchí di Libertador Betico Croes (den feliz memoria), Rudy Croes (den feliz memoria), Sr. Nelson Oduber, Evelyn Wever- Croes y mi persona na cas di mi mayornan”,

Endy Croes a indica. Na momento cu e borchí a wordo desvela tabata reina un alegría y positivismo. Endy Croes ta candidato number 4 riba e lista prestigioso di partido MEP y ta sigui comparti e logronan, plan y vision di partido MEP cu Pueblo di Aruba. “Mi ta conta cu boso sosten dia seis (6) di december proximo! “Nos compromiso ta sigui”, Endy a finalisa. Un amigo pa semper! Endy SI!



SENTENCIA DEN APELACION CASO ALPINA

Corte Superior di Husticia a dicta sentencia dialuna 18 di november den e caso ‘Alpina’ contra e sospechosonan R.A.G.Z. y J.C.T.R. E caso aki, cu ta conoci como e caso di oro, a sali na cla riba 9 di februari 2018, ora G.Z. a wordo deteni na airport cu 46 bara di oro cu un peso total di 55 kilo, den su ekipahe di man. E tabata na caminda pa Hulanda, cu destino final Dubai. E baranan di oro tabata procedente di Venezuela.

Na juli 2022 Corte den Prome Instancia a declara e sospechosonan G.Z. en T.R. liber di falsificacion y labamento di placa. Ministerio Publico a bay den apelacion contra e decision aki.

Ayera Corte Superior di Husticia a destrui e sentencia di Corte den Prome Instancia y a condena e sospechosonan pa respectivamente 113 dia y 6 luna pa falsificacion y labamento di placa.

Corte Superior a declara e 46 baranan di oro decomisa (verbeurd). E baranan ta representa na e momento aki un valor di mas cu Afl. 8 milyon. E consecuencia cu e baranan di oro a wordo decomisa ta cu, una vez e sentencia bira irrevocable, nan lo bira propiedad di Pais Aruba.

We are looking for...



The Finance and Business Support Unit is responsible for the secure and reliable IT systems and network management, quality and progress of the local A.T.A. facility management, and technical IT support activities of Aruba, North America, Europe and Latin America offices.

IT & Facilities Officer

The IT & Facilities Officer is co-responsible for overseeing the IT systems and network management, identifying, assessing, and resolving issues, ensuring minimal disruption to operations. The role is also in charge of developing and maintaining manuals and procedures to streamline IT processes, regularly updating, maintaining, and advising on upgrading the IT infrastructure to ensure optimal performance.

Interested and eligible candidates can submit their application and motivation letter via our Career Portal.

The deadline for applications is November 29th, 2024.



SCAN ME!

And visit our Career Portal for more information about the positions and requirements.

Parlamentario Shailiny Tromp-Lee (MEP)

A REUNI CU REPRESANTENAN DI STRATEGIC EDUCATION ALLIANCE (S.E.A.) ENCUANTO MEHORA E PREPARACION PA STUDIANTENAN ARUBIANO PA FUTURO



Recientemente Parlamentario Shailiny Tromp-Lee di Fraccion di MEP a reuni cu dos representante di Strategic Education Alliance (S.E.A.), Marianne van Veldhuisen, Adviseur Instroom na The Hague

University of Applied Sciences y Leoni Holleman, studiekeuze coach na Fontys, pa elabora riba e cooperacion continuo entre Aruba y scolnan di enseñansa superior na Hulanda y preparacion di nos studiantenan pa nan estudio na Hulanda por ta uno exitoso y elimina retonan cu ta stroba esaki.

Un di e temanan importante cu a bin dilanti durante e reunion ta e preparacion di nos studiantenan, cu tin e deseo di sigui nan estudio na Hulanda. S.E.A. ta colabora te na e momentonan aki cu 11 hogeschool na Hulanda y ta den negosacion cu universidadnan pa nan tambe forma parti di e organisacion. Representantenan di

S.E.A. ta bishita Aruba y tambe otro islanan den Reino Hulandes pa asina duna workshops na scolnan (docenten y studiantenan) di enseñansa secundario y superior. Meta ta pa empodera e hobennan y yudanan den e proceso di scoge e estudio corecto. Comienso di 2024 por ehempel S.E.A. a organisa un conferencia na Corsou cu tema 'studiesucces Caribische studenten' pa enfoca riba e desafionan y oportunidadnan pa studiantenan den Reino Hulandes. Prome cu esaki tabatin uno na Aruba.

Parlamentario Shailiny Tromp-Lee di su parti a comparti su logronan riba e tematica aki, door di cada bes tabata trece e punto aki dilanti na reunionnan di Tripartiet y IPKO. Danki pa e persistencia di Parlamentario Tromp-Lee, awo ta posibel cu studiantenan por haya nan BSN nummer prome cu yega Hulanda. Parlamentario Tromp-Lee a comparti tambe diferente puntonan di mehoracion, di cual Hulanda tambe por asisti cu esaki. Sra. Van Veldhuisen y



sra. Holleman tambe a informa di nan banda cu S.E.A. tin lasonan directo cu Vierlandenoverleg. Tur feedback y puntonan di preocupacion y mehoracion cu ta bin dilanti durante nan consultanan of cu ta wordo ricibi door di studentenraad den Reino ta wordo acopla den un rapport y entrega na e ministernan den Reino Hulandes. Tambe Sra. Van Veldhuisen y sra. Holleman a intercambia algun idea cu Parlamentario Tromp-Lee pa Aruba, di cual Parlamentario Tromp-Lee a compromete su mes di lo cana e caminda necesario pa asina esakinan por keda realisa.

Pa finalisa Parlamentario Tromp-Lee a gradici Sra. Van Veldhuisen y sra. Holleman pa nan tempo y bishita y a expresa su compromiso como Parlamentario di lo sigui sostene esaki, pa sigura cu tur estudiante Arubiano haya tur apoyo necesario durante nan transicion di Aruba pa bay sigui un estudio na Hulanda. Sra. Veldhuisen y sra. Holleman a haci entrega di un buki di cushina caminda un estudiante di Caribe Hulandes tambe ta aparece den dje y alabes un wega cu nan ta uza como tool pa yuda un estudiante den nan escogencia di estudio. Sigur un reunion hopi interesante y importante.



PUEBLO A HAÑA SU PEN BEK

Pa kualkier informacion
solodipueblo@gmail.com
of
☎ 585-9500

ULTIMO BAN TOPA NA ARNHEM TA CERA SESION DI “BRAINSTORM” CU STUDIANTE

Den Haag – Na Hogeschool van Arnhem y Nijmegen (HAN) Gabinete di Minister Plenipotenciario a tene su ultimo Ban Topa. E encuentro aki tabata pa studiantenan cu ta studia na Arnhem, Nijmegen y Wageningen.

E programa a cuminsa cu un introduccion di directora di Gabinete di Aruba Joselin Croes LL.M/M.Sc. E sesion di “Brainstorm” a keda dirigi pa coordinadora di departamento di Enseñansa, Bienestar General y Cultura Ivonne Navas conhunto cu Joselin Croes.

Mescos cu den e casonan di e otro Ban Topa nan, aki a toca temanan manera e preparacion na Aruba; nan idea y pensamiento riba e tarea di Gabinete di Aruba. Tambe a puntra e studiantenan ki tipo di actividadnan nan ta desea pa keda organisa; kico ta e retonan cu nan a bin ta confrontando na Hulanda.

E grupo studiantenan aki mescos cu e otro gruponan a haya pregunta riba cual nan por a duna contesta, pensamiento, remarca, ideanan y sugestionnan unda Gabinete di Aruba lo por sigi traha riba maneho hunto cu ministerio di Enseñansa di Aruba pa stimula e desaroyo y bienestar di studiantenan Arubiano na Hulanda.



Gabinete di Minister Plenipotenciario cu e ultimo Ban Topa na Arnhem por bisa cu tur e encuentronan a brinda Gabinete di Aruba hopi informacion valioso. Joselin Croes a bisa cu aña 2024 tabata uno pa scucha y tende di e studiantenan kico ta nan preocupacionnan, kico ta nan deseo pa yuda nan den nan periodo como estudiante aki na Hulanda. Tambe sra. Croes a bisa cu algun punto cu a bin dilanti ta puntonan cu mester keda implementa na Aruba prome cu e estudiante yega Hulanda. Gabinete di Aruba lo traha riba un lista di prioridadnan pa organisa



Clasificados

CLASSIFIEDS

SOLODIPUEBLO@GMAIL.COM
CEL. 585 9500

SOLO Di Pueblo

NR.5 PRIORIDAD DI MEP

Partido Movimiento Electoral di Pueblo den su programa di campaña tin diferente solucion pa e retonan di pais Aruba

AWOR CU A CREA ESPACIO FINANCIERO, PARTIDO MEP TA BAY ENFOCA RIBA 7 PUNTO DI PRIORIDAD



PRIORIDAD #5: PENSIONADONAN
Nos adultonan mayor durante e ultimo añanan a pasa den situacionnan dificil. Por a mira con e edad di pensioen a wordo aumenta pa e gobierno prome cu Gabinete Wever-Croes y e tempo ey e pensioen no a wordo aumenta apesar cu e gobierno e tempo ey tawatin placa pa haci'e. Mescos pa loke ta trata e impuesto cu pensionadonan ta paga, cu tambe ta un peso grandi pa nan.

Prioridad # 5 :
Pensionadonan
Sigui aumenta e pensioen di biehes, na un forma

responsabel
Desde cu MEP a drenta Gobierno 7 aña pasa, a cuminsa traha pa mehora e posicion financiero y e cuidu di nos adultonan mayor, nos pensionadonan. A aumenta e pensioen di biehes varios biaha y den e puntonan di prioridad di Partido MEP tin e compromiso pa sigui hisa e pensioen di biehes. Esaki na un forma responsabel. No por redobla e pensioen, pasobra esey lo kibra e fondo di pensioen, pero cu pasonan responsabel.

Sigui reduci e peso di impuesto riba pensioen
Tambe Partido MEP lo

traha riba e tema di e impuesto. Ya Gobierno a baha e impuesto di nos grandinan considerabelmente y e 4 añanan nos dilanti lo sigui baha esaki. Tambe pensionadonan cu tin dos pensioen lo no paga belasting mas.

Mehora e cuidu di nos grandinan
Awor tin espacion financiero, pa loke ta trata cuidu di nos grandinan, esaki tambe lo haya extra atencion den e 4 añanan nos dilanti. Un adulto mayor cu dicidi di keda na su cas, mester haya e cuidu na su cas. Si e adulto mayor kier bay un cas di

cuidu, mester tin espaciona e casnan di cuidu y un bon calidad di cuidu.

Remedinan lo wordo cubri bek door di AZV
E remedinan pa adultonan mayor lo cay bek bou e paquete di AZV y no mester paga niun remedi mas. Esaki ya Gobierno di MEP ta trahando riba dj'e caba pa basta tempo. Estudionan riba esaki ta cla, a bin un mocion di Parlamento y awor Gobierno ta cla pa cumpli cu e compromiso cu pensionadonan y nan no ta bay paga niun remedi mas.

Cuidu di salud
Partido MEP lo sigui traha pa mehora cuidu di salud di nos grandinan. Lo traha pa elimina lista di espera pa specialistanan y amplia e ekipo medico di specialistanan geriatra.

Nos pensionadonan ta e fundeshi di nos pais y p'esey awor cu nos Gobierno a stabilisa e pais y tin espacion financiero, ta bay pone extra atencion pa mehora e calidad di bida di nos pensionadonan, adultonan mayor, nos dushi grandinan. Esaki ta un prioridad pa Partido Movimiento Electoral di Pueblo.

Partido MEP:

Awor cu a crea espacio financiero, Partido MEP ta bay enfoca
riba 7 punto di prioridad

PRIORIDAD #4: MEHORA CONDICONNAN LABORAL



Cada campaña electoral Partido Movimiento Electoral di Pueblo ta traha un programa di campaña. Di e programa di campaña 2024, Partido

MEP ta pone enfoca riba 7 punto di prioridad. Prioridad #4. Mehora condicionnan laboral; Partido MEP ta consciente

cu e clase trahado pa hopi aña prome cu Partido MEP a drenta gobierno, no a haya e atencion necesario. Durante e añanan menciona, e sueldo minimo no a aumenta y trahadonan no tawatin proteccion, y tampoco a haya atencion. Den e 4 añanan nos dilanti, Partido MEP lo sigui enfoca riba sigui mehora e condicionnan laboral.

Sigui aumenta sueldo minimo Den e ultimo 7 añanan a pesar di pandemia y e crisis financiero, Gobierno di Partido MEP a aumenta e sueldo minimo 4 biaha y recientemente e sueldo minimo pa esnan cu ta traha 45 ora pa siman, ta riba 2200fl caba. Y Gobierno di MEP lo keda cu enfoca riba e aumento di e sueldo minimo y lo sigui hisa esaki na un manera structural.

Derecho y Proteccion di trahado Partido MEP lo pone antencion na e derecho y proteccion di e trahado. Nos lo yuda e trahado conoce miho su



derechonan y unda mester di asistencia y proteccion nos lo tey como Gobierno, pa duna esaki.

Traha fo'i cas Trahamento for di cas no ta asina usual na Aruba. Gobierno di MEP lo cuminsa aplica esaki den e sector publico unda un biaha pa siman, e trahado por traha for di cas y asina ta mas flexibel cu tempo y ehecucion di su trabou.

Baha oranan di trabou Pa loke ta trata e cantidad di oranan cu empleadonan na Aruba en general ta traha pa siman, Partido MEP ta bay haci estudio riba e posibilidad pa baha e cantidad di oranan

di trabou semanal, manteniendo e mesun entrada, y tambe lo explora e manera pa introduci e "4-daagse werkweek", pues traha 4 dia so den un siman.

Partido MEP ta bay pone mas atencion na e trahado y mehora condicionnan laboral na Aruba y pa realisa esaki, Partido MEP ta pidibo e sosten dia 6 di december pa nos por logra realisa e metanan aki. Awor cu a crea espacio financiero, Partido MEP lo sigui mehora condicionnan laboral. Esaki ta un prioridad pa Partido Movimiento Electoral di Pueblo.




SPECIALISTANAN EMPLEA PA HOH A HACI 421 CONSULTA MAS CU NA LUNA DI SEPTEMBER

HORACIO ODUBER HOSPITAL CU CIFRA DI OKTOBER 2024

Den cuadro di transparencia y informacion nos di Horacio Oduber Hospital (HOH) ta comparti cu boso e cifranan pa loke ta luna di oktober 2024. Como Hospital ta importante y alabes interesante pa duna comunidad di Aruba un indicacion di cuanto pashent Hospital ta atende mensualmente, cuanto operacion ta tuma lug, cuanto pashent a ser admiti via departamento di emergencia y mas.

Na luna di oktober a admiti 878 pashent cu ta un tiki mas halto cu na luna di september (860 pashent). Di e pashentnan admiti na HOH, 501 pashent tabata hende muhe y solamente 30,8% di e admisionnan tabata planea. E promedio di duracion admiti na HOH na luna di oktober tabata 4,3 dia. Na oktober ocupacion di cama a baha pa 83,5% compara cu luna di september (87,8%). Den nos sala di operacion a tuma lug no menos di 599 operacion. Departamento di Emergencia a atende na luna di oktober 2686 pashent di cual 38,7% di pashent no tabata rekeri cuido di emergencia sino cuido di dokter di cas. A nace na luna di oktober 45 baby mucha muhe y 36 baby mucha homber (total 81 baby). Y na oktober Bloodbank Aruba a ricibi un total di 188 donacion di sanger. Specialistanan den servicio di Hospital a haci un total di 7895 consulta cu pashent na oktober, cu ta 421 consulta mas cu na luna di september. Departamento di radiologia a haci un total di 4333 test manera CT scan, MRI, echo y mas. Un total di 14790 persona a bishita LABHOH na luna di oktober pa hancun test diagnostico. Y na luna di oktober un total di 868 pashent a sali for di Hospital y regresa nan cas. Hospital ta gradici tur 1200 empleado pa nan esfuerso continuo y ta recorda comunidad cu den cualkier momento no lubida cu cada uno di nos na HOH semper t'ey!



CMB CU DONACION NA BEACH TENNIS ARUBA

Diadomingo anochi CMB a haci entrega di un check di Afl. 10,000.00 na Scubbles Bubbles.

Esaki tabata despues cu e banco henter siman di Aruba Open BTA tabatin un tent bendiendo mercancia di propaganda na prijsnan simbolico.

Mas di 500 articulo a wordo bendi pa un total di casi Afl. 2,000.00. E

banco na su turno a pone e resto pa forma e total di 10,000.00. Un danki na tur bishitante di Aruba Open BTA cu a contribui.

Scubble Bubbles ta un fundacion di hobennan cu bao gui experto ta mantene e coralan y rifnan di nos isla limpi. Na su turno esaki ta percursa pa nos beachnan blanco keda blanco y bunita.



JAIDYLEEN TROMP MISS TEEN ARUBA INTERNATIONAL A KEDA COMO 1E FINALISTA NA NUESTRA BELLEZA INTERNATIONAL 2024

Algun siman atras Aruba su representante hubenil Jaidyleen Tromp (Miss Teen Aruba Intl 2024) a Sali pa Punta Cana pa representa Aruba na Nuestra Belleza International den e di 5 edicion di e concurso. Jaidy a biaha cu su mayornan, ruman , preparador y tambe cu e presidente di e concurso di MTAI pa asina durante 1 siman brinda un bon bataya pa asina representa nos hendenan di Aruba den gran forma. Jaidy a haci un bunita trabou pa nos isla y a sa di gana e premio di Best National Costume y a keda como Vi Reina di e eleccion na unda cu e corona a bai pa CUBA. GLW Foundation kier a felicita Jaydi pa su tremendo trabou desplega y ta gradici su mayornan y tambe Endy Croes cu a percursa pa semper e luci



top tanto den trahenan spectacular como tambe su estilismo y makiyahe.

Keda pendiente pa mas di nos candidatanan cu lo biaha pa exterior.

SUDOKU

		3				2		
	6		9	8			4	3
4	9			3	1			6
9		7				8	6	
	4			9	8			
		5	4		7	1		9
6					3	9		5
5		8	1				7	2
2		9		5	6		3	8

	7		5	8	3		2	
	5	9	2			3		
3	4				6	5		7
7	9	5				6	3	2
		3	6	9	7	1		
6	8				2	7		
9	1	4	8	3	5		7	6
	3		7		1	4	9	5
5	6	7	4	2	9		1	3

ARUBA BANK TA CELEBRA APRECIO PA SU EMPLEADONAN



Oranjestad, Aruba – 19 di november 2024: Aruba Bank ta celebra e tema “You Inspire Me”! Diabierna Aruba Bank a inicia su celebracion di aprecio pa su empleadonan cu un actividad special.

Durante e evento, e tema “You Inspire Me” a wordo introduci como un tributo pa tur empleado cu ta traha cu pasenshi, dedicacion y inspiracion dia tras dia.

Pa cuminsa e siman, empleadonan a ricibi un dushi desayuno como un gesto di gratitud y aprecio. Durante e dianan benidero, nos Departamento di Recurso Humano tin varios actividad plania pa celebra cu su empleadonan.

Aruba Bank ta reconoce cu su ekipo ta e motor tras di tur exito y ta compromete pa sigui inspira y duna support na tur su empleadonan.

Danki pa semper inspira di gerencia na e famia nos, ta e mensahe special grandi di Aruba Bank.

CUMINDA DI PASCO

Ham horna 45,-
Galinja horna 45,-
Galinja jena 60,-
Kalacuna 150,-
Kalacuna jena 180,-
Cubo mes un ham /galinja of kalacuna!
Pa ami cumpra hqm/galinja of kalacuna.
Ham 110,-
Galinja 90,-
Galinja jena 105,-
Kalacuna 260,-
Kalacuna jena 290,-
Pa 10 persona
Lomito 120,-
Roastbeef 100,-
Chicken breast 90,-
oestersaus of mushroom
Salada batata 40,-
Aroos con pollo 45,-
Ayaca 7,-


**PA PEDIDO POR JAMA OF
WHATSAPP MI RIBA 7497071
TE CU 22 DEC**

DR DERRICK C DABIAN, UN OOGART ARUBIANO, PRINCIPAL INVENTOR DI E SIMULADO DI CIRUGÍA DI WOWO DI ULTIMA GENERACIÓN

Durante e studio di Dr Dabian como Oogarts na Universidad El Bosque na Bogota, e la mira e necesidad cu e estudiante tin pa por hasi un simulacion di operacion di wowo y a crea un metodo novedoso, sencillo y futurista. E la presente na Universidad cu a acepta e proyecto di inmediato. Dr Dabian a forma su ekuipo di investigacion cu a resulta na e simulado aki. Recientemenre Dr Dabian a ricibi su reconocimiento na su aporta di su Cas Mater Universidd Del Bosque di Bogota. E simulado di cirugía di wowo ta un dispositivo di entrenamiento inovativo cu ta integra tecnologia avanza, manera e impresion 3D, cu ta ofrece un simulacion mas realista y accesibel di anatomía humano compara cu metodo tradicional . E simulada ta facilita entrenamiento cu wowo di cadaver di otro especie. Den actualidad, e forma di prepara medico pa futuro ta enfrenta reto pa practica di e cirujano pa procedimentonan compleho den un manera eficiente y sigur. Den e contexto aki, a desaroya e aparato di entrenamiento pa cirugía di wowo cu tin e proposito pa transforma e manera cu e estudiante ta desaroya su habilidadnan quirurgico. E focus nobo ta permiti cu e estudiante por practica habilidadnan quirurgico den un entorno controla y repetibel, cu ta facilita un aprendizahe mas eficiente y sigur. Ademias, e aparato tin un patent di invento, cu ta resalta su inovacion y su potencial den e area di educacion medico.

Ki caracteristicanan specifico e simulado tin cu ta mehora e experiencia di entrenamiento cu wowo di cadaver? Tin hopi, pero e principalnan ta e precision anatomico cu a logra cu e aparato. E simulado ta permiti situa e wowo na posicion specifico cu ta refleha e anatomia humano, y ta juda estudiante pa familiariza nan mes cu un entorno quirurgico real. Tambe, e ta regula e presion intraocular cu e estudiante por ahusta y optimiza pa hasi procedimentonan quirurgico di un manera eficiente, mientras e aparato ta integra un mecanismo cu ta simula e resistencia y presion cu musculonan di wowo ta hasi durante cirugía. Esaki ta duna e estudiante un experiencia mas cerca di lo kue nan lo enfrenta den un pacient real. Kendenan a forma parti di e equipo interdisciplinario cu a desaroya e simulado? E proyecto a involvi diferente persona:

1. Dr. Derrick André Dabian, un medico ciruhano den Oftalmologia, ku a asumi e rol di cliente-inventor y usuario di e simulador.
2. Profesor David Andrés Cañón, un diseñador industrial y magister den Diseño y Ingenieria, cu a aplica su conocimiento den diseño mecanico y impresion 3D.
3. Luis Estrada, cu a cuminsa como practicante y miembro di e grupo di investigacion pero cu awor ta profesor di e programa di Diseño Industrial. E la asisti durante tur fase di



Di drech Di pa Robez: Luis Estrada, Dr. Derrick André Dabian, David Cañón y Juan Ávila Forero

desaroyo di e proyecto. 4. Y Juan Avila Forero , cu a contribui cu estructura di e proyecto, den termino di tiempo, recurso y maneho, aplicando su experiencia den modelo 3D cu maya poligonal pa e partinan organico di e simulado. Kiko e patent di e aparato ta representa pa futuro den formacion medico?


E parte aki, ta importante resalta e trabow di OLIE (Oficina Legal di Innovacion y Extension), Awendia, hopi creado nan riba mundo por genera conocimiento nobo sin necesidad di infraestructura grandi manera den pasado, danki na e globalizacion, y inversion di Universidatnan y democratizacion di tecnologia.

“Según Dr Derrick Dabian e proceso di patent a dura mas cu dos año, y dos anja











adicional di investigacion y diseño. Mester a hasi un busqueda global di tur patent di invencion den paisnan cu tin hopi progreso den tecnologia. Tur e tempo inverti den e proceso di diseño y hanja e patent ta resalta e importancia di e simulador y e madurez di investigacion di e Universidad, cu tin e area di salud como un di su pilarnan. Mi ta sumamento contento cu mi por a ehecuta mi



creacion y lague atraz pa e studentenan di Oftalmologia. Den actualidad mi ta parti di e Departamento di Investigacion di Universidad Del Bosque. Este es el simulado de cirugía desaroya pa Universidad El Bosque Bottom of Form Si mester di un entrevista cu Dr Derrick C Dabian, por contactami: Miriam Dabian Tel 5622022







Paardenbaastraat 10, Oranjestad, Aruba Tel.: (297) 525 - 7555
www.lottoaruba.com

Resultado: Sorteo di Anochi ☺ - November 19, 2024


Sorteo # 8402
3938
1323
9152

FP

Sorteo # 7446
2845

X2

Sorteo # 2151
6060

Sorteo # 6205
8471
Sagitario

Sorteo # 1135
970

X5

	
Sorteo #	Joker Letter
0 x Jackpot	Proximo Jackpot
0 x Match 4+	170.000,-
0 x Match 4	
0 x Afl. 12,00	
	14-22-25-27-28
Sorteo # 6659	Proximo Jackpot
0 x Jackpot	120.000,-
6 x Match 4	
181 x Afl 8,00	

	
Sorteo #	Mega Ball
0 x Jackpot	Proximo Jackpot
0 x match 4	320.000,-
0 x Afl. 500,00	
0 x Afl 50,00	
0 x Afl. 15,00	
 MEGA PREUS	Afl. 420.000,-

	
Sorteo #	
	


Sinceramente, Pastor
Marcel Balootie.

E INFLUENCIA PODEROSO DI UN TATA DEN BIDA DI SU YIU

Tatanan realmente ta importante, mescos cu mamanan ta, den desaroyo di nan yiu? Nos a crece cu e idea cu mamanan ta indispensabel, y e ausencia di tatanan casi a manera bira algo cu ta normal, principalmente den e region cu nos ta biba aden. Esaki debi cu cada biaha mas famianan ta enfrentando e lucha di tatanan ausente. Ariba e topico aki, mi a busca investigacionnan haci den region (Iberoamericano) y hopi ta subraya cu babynan di un siman o mas tin e capacidad pa distingui e tata y mama.

Esaki ta interesante pasobra si e baby desde un edad asina tempran por descubri nan tata y diferencia esaki di nan mama, por nifica cu e conexion entre e tata y e yiu ta necesario y importante pa su desaroyo. E influencia positivo di un tata ta crea identidad cerca e yiu, cu ta conduci con e mucha lo mira y pensa di su mes den su desaroyo di bida. Y ta un proceso cu cada tata tin di keda haya ayudo riba e rol aki pasobra nos no tin un chip o boton cu nos por primi pa sa kico pa haci den tur e proceso aki.

Pesey ami mes, den mi hazaña pa ta un mihor tata, como un tata hoben ta bay cuminsa cu un serie di relatonan ariba e topico aki, pa mi por comparti y cuminsa pone material di mi mes experiencia tambe eyfo, pa tatanan cu tambe kier



nifica mas pa nan famia y especialmente nan yiunan. Mi lo atende temanan cu mi a siña, experimenta pero tambe e falta cu mi mes a experiencia, creciendo sin un figura di tata den mi bida. Mi intencion ta pa inspira mas di nos tatanan den comunidad pa tuma un rol mas activo den bida di nan yiunan, pero tambe pa inspira mamanan pa duna tatanan un espacio den bida di nan yiunan, hasta cu si nan no ta hunto como pareha.

Kiermen ariba un nivel meso mi kier subraya e importancia di nos tatanan. Mi kier uza mi plataforma pa entre otro splica e innumerabel diferencia cu bo ta haci den bo hogar y bo famia na momento cu bo involucre bo mes mas. Sin embargo, cuanto impacto bo ta dicide di tin como tata ta depende completamente di bo mes.

Mi ta spera cu los di tur otro relatonan cu tin tinte politico, e relatonan aki por sirbi di inspiracion y causa un revolucion di un grupo di tatanan cu lo lanta pa e bienestar di nan famia y nan yiunan.

“Señor ta mi wardador, mi’n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa”.
Salmo: 23

Nos ta anuncia fayecimento di:



Vincentius Anastatius Roza

Cariñosamente yama: “Chen Chen”

*22-01-1940 - †18-11-2024

ex trahado di Kadaster, ex hungador di Bubali/ CBN Domino Team y SV Jong Aruba

Na number di su:

Esposa: Margarita J. Roza-Christiaans

Yiunan: Juliette Roza

Ligia y Gino F. Croes-Roza

Ivan Roza

Nieta: Gilia G. Croes

Tata: †Joannes Roza

Mama: †Sofia Tromp

Rumannan: †Felix, †Nadi, †Venancio, †Sixto, †Ramon, †Piodoso, †Luisa

Suegra: †Ana Isabel Semeleer

Suegro: †Jose Maria Christiaans

Ayudante di cas: Cesar Garcia

Sobrino y sobrinanan, swa y cuñanan, omo y tantanan, primo y primanan,

Demas famia: Roza, Tromp, Christiaans, de Cuba, Kelly, Britten, Franken

Ta invita tur famia y conocirnan pa e acto di condolencia cu lo tuma lugar diahuebs 21 di november na Royal Funeral Home di 11:00 am pa 1:00 pm, despues lo sigi cu e acto di entierro cu lo tuma lugar na misa Santa Anna di 2:00 pa 4:00 pm, despues lo sali pa Santana catolico na Noord.

Ta lamenta cu despues di entierro no por ricibi bishta di condolencia na cas

“Dios ta amor .. y amor ta Dios,
maske mi no ta na e mundo aki, tur dia lo mi ta banda di boso Curazon, mi por stens di loke Senor ta hasi” Salmo 33

Cu dolor na nos curazon, pero conforme cu boluntad di Dios, nos ta participa fayecimento di:

Sra. Juliana “Chichi” Tromp-Rasmijn

Vda. Di Sr. Elio Tromp

*27-06-1937 - †15-11-2024

Chichi di Elio ta nos Mama, Oma, Omi, Oma di Papachi, Tanta, Madrina,
Mamachi, Pepe y Ruman stima.



Jiunan:
Naldi y Diana Tromp-Luidens
Yolanda y Jonchito Croes-Tromp
Lidia y Kepi Jong-Tromp
Astrid y Charlie de Palm-Tromp

Nieta y nieto nan:
Dhany Tromp y Amber Eline
Stephanie y Nigel Wix-Jong
Sharmayne de Palm na NL
†Dhayene y Johnny Goitia-Tromp
Lydienne y Joey Arends-Jong na USA
Cookie Croes na USA
Leyon Croes y Wei na NL
Loney Croes y Dwight na NL

Bisanieta y bisanieto nan:
Dhaeline, Dhareline y Dharvin
Quinn y Benn
Dasey, Sunny, Leya y Mikey na NL
Dhaena y D’John
Luke na USA
AJ na USA

Ruman nan:
†Joonchi y †Enriqueta Geerman
†Joaquin y Kamla Rasmijn
†Nene y †Angela Rasmijn
†Benny Rasmijn
†Etty y Ruby Croes
Maiky y †Celia Rasmijn
Diana Y Nick Nicolaas na Bonaire

Subrina y subrino nan:
Elyane Nicolaas y jiuJP na Bonaire, Juamar y Mientje Nicolaas y jiunan Mijuar y Jutian na Bonaire, Dionne Nicolaas y jiunan Darjuan y Deynive na Bonaire
Rivi y Aura Rasmijn y jiunan, Maikito y Vanessa Rasmijn y jiunan
Ludy Rasmijn, Aura Rasmijn, Donny Rasmijn, Stella Kransen y jiunanna USA
Dolfi Rasmijn y jiunan , Roland Rasmijn
Dennis Rasmijn yJasmin y jiunan(manera subrino{a})
Lucia Croeze, Avilia Ridderstaat, Tina Geerman, Pedro Geerman, CarlomanGeerman
Hija nan, primo y prima nan, swa y cunja nan, bon bisinja nan y bonamistad- y bon conocirnan na Bonaire, Curacao, Venezuela, USA y Hulanda.

Famia- y Amistad nan: Tromp, Croes, Jong, de Palm, Geerman, Nicolaas, Luidens, Kransen, Solognier, Maduro, Winterdaal, Curiel, Mosquera, Pers, Eckmeyer, Mora,
Nos Mama mas cu 40 anja, cu balentia, amor y hopi dedicasion tabata hasi trabaonan boluntario den su parokia. Tabata miembro y president di Legion di Maria di Savaneta y a forma parti di team Liturgico. Tabata co-fundador di Capilla Santa Famia na Pos Chiquito. Y tambe tabata lesado di Rosario pa defunto nan. Tabata miembro di grupo Monarka -60 plussers

Oportunidad pa condolencia na cas Pos Chiquito 41-C di 7.00-9.00 PM
Diahuebs 21 November 2024 for di 7.00-9.00 PM tin oportunidad pa condoleer na Royal Funeral Home.

Acto di entierro lo tuma lugar:
Diabierna 22 November 2024 na Misa di Savaneta – Sagrado Curazon di Hesus di 2:00 – 4:00 PM y sigi pa un Santo Sacrificio di Misa. Despues ta sali pa su ultimo lugar di sosiego na Santana Catolico San Hose na Savaneta.

Nos ta pidi nos sincero disculpa, si pa unof otro motibo nos a keda sin menciona algun persona.